

UNTUK SIARAN SEGERA

KENYATAAN MEDIA

**“MELAKA HARI INI (MHI)” MENJADI KUMPULAN MEDIA PERTAMA DI MELAKA SERTA PROGRAM
KITARECYCLE OLEH SWM ENVIRONMENT**

MELAKA, 20 OKTOBER 2020 – Melaka Hari Ini (MHI) menjadi kumpulan media pertama di negeri Melaka yang menyertai Program KITAREcycle iaitu sebuah program kitar semula berganjaran yang dilaksanakan oleh SWM Environment Sdn. Bhd. (**SWM Environment**).

Menurut Pengurus Wilayah Melaka dan Negeri Sembilan SWM Environment, Dr Al’Ashari Othman, SWM Environment menyediakan platform program KITAREcycle untuk menggalakkan aktiviti kitar semula di kalangan masyarakat dengan kaedah yang terkini dan mesra pengguna. Beliau turut berkata, satu sesi khas penerangan dan pendaftaran Program KITAREcycle telah diadakan kepada warga editorial dan kakitangan MHI di Rumah Media Melaka, Ayer Keroh pada hari ini.

“SWM Environment amat berbesar hati dengan penglibatan MHI yang merupakan media rasmi Kerajaan Negeri Melaka dalam program KITAREcycle. Kerjasama ini dilihat dapat merintis usaha ke arah pembudayaan 3R (Reduce, Reuse, Recycle) dan Pengasingan Sisa Di Punca (SAS),” katanya.

Tambah Dr Al’Ashari lagi, peranan pihak media amat penting dalam menyampaikan maklumat kepada masyarakat termasuk isu kesedaran menjaga kebersihan dan pengasingan sisa pepejal yang berhemah.

“SWM Environment komited untuk mengadakan program-program berbentuk pemeliharaan alam sekitar bagi meningkatkan kesedaran orang ramai. Bagaimanapun, usaha ini turut memerlukan bantuan dan kerjasama liputan pihak media”.

“Seperti yang kita sedia maklum, media merupakan medium yang berpengaruh untuk mendidik masyarakat. Dengan mesej-mesej yang disampaikan oleh pihak media, SWM Environment yakin kita dapat mencapai matlamat dalam melahirkan masyarakat yang prihatin dengan pengurusan sisa pepejal berhemah serta menjadikan kitar semula sebagai budaya di dalam kehidupan seharian,” katanya.



Orang ramai atau mana-mana organisasi dan komuniti setempat yang ingin bekerjasama atau mendapatkan maklumat lanjut mengenai program KITAREcycle boleh melayari laman web www.kitarecycle.com, emel: support@kitarecycle.com ataupun menghantar mesej WhatsApp kepada SWM Environment di 012 618 0082.

- TAMAT -

FAKTA

SWM ENVIRONMENT SDN. BHD.

SWM Environment Sdn. Bhd. (**SWM Environment**) telah dilantik pada tahun 1995 di bawah perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara 2007, untuk bertanggungjawab terhadap pengurusan sisa pepejal dan pembersihan awam di Johor, Melaka dan Negeri Sembilan.

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Google Play*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Noor Che Wah Ramli

Eksekutif Kanan Jabatan Komunikasi Korporat

SWM Environment Sdn Bhd

Lot 4B-17,18,19, Jalan TTC 26,

Kawasan Perindustrian Cheng,

75250 Melaka.

(Tel) 06-3350191

(Faks) 06-3350117